



Page: 8

Reach: 0

Country: BOSNIA AND HERZEGOVINA

Size: 76 cm2

1 / 1

## Zatraženo produženje pritvora za Iličića

Tužilaštvo BiH zatražilo je od Suda BiH da produži za još tri mjeseca pritvor Robertu Iličiću, zvanom Robac, protiv kojeg Tužilaštvo BiH vodi istragu zbog terorizma. Ovo je za Oslobodjenje potvrdio Iličićev advokat Sead Temim, koji će se, kako je kazao, na današnjoj sjednici zakazanoj u Sudu BiH usprotiviti ovome prijedlogu.

Državni Sud je Iličiću prije dva mjeseca produžio pritvor koji mu ističe 23. ovog mjeseca, a koji mu je određen zbog sumnje da bi boravkom na slobodi mogao da utiče na svjedoke. On je, podsjetimo, uhapšen u akciji Druker, a osim njega, tada je priveden i Mujo Smajlović, istražitelj Tužilaštva BiH. On je, nakon jednomjesečnog pritvora, pušten na slobodu uz mjere zabrane napuštanja mjesta boravišta. Određen mu je kućni pritvor, uz obavezu službenih lica ovlaštene policijske uprave da vrše nasumične kontrole osumnjičenog jednom dnevno. Izrečena mu je i mjera zabrane putovanja, kao i zabrana sastajanja sa ostalim osumnjičenim u ovom predmetu, te zabrana kontaktiranja sa svjedocima, zaposlenima u Sudu BiH, Tužilaštvu BiH, Državnoj agenciji za istrage i zaštitu BiH (SIPA) i Federalnoj upravi policije.

Smajlović je dugogodišnji istražitelj i slovio je za jednog od najboljih u Tužilaštvu. Radio je na predmetu Kemal Čaušević i drugi, a prije nekoliko godina mu je tadašnji ambasador SAD-a u našoj zemlji Patrick Moon uručio zahvalnicu FBI-ja za doprinos u borbi protiv terorizma, zbog rada na slučaju Mevlid Jašarević. **A. B. Č.**